

*Grønlandsbanken-ip Aningaaserivinnik Nakkutilliisoqarfiup 12. marts 2020 ullulerlugu nalunaarusiaanik nutsertitaani paatsuunganartoqassappat, taava qallunaatut allassimasoq aaliangiisuusaaq.*

Finanstilsynet

12. marts 2020

Aningaaserivinnik Nakkutilliisoqarfik (Finanstilsynet) november 2019-mi GrønlandsBANKEN-imiippoq pingaarnerusumik navianarsinnaasut aarlerinaatigisinnaasat nalilersorneqarneranit misissuilluni, pingaarnerusumillu immikkoortortat navianarnerpaasinnaasut nalilersorneqarlutik.

BankNordik P/F eqqaassanngikkaanni GrønlandBANKEN Kalaallit Nunaanni kisimi aningaaseriviuvoq, Kalaallit Nunaannilu aningaaserinermi annerpaamik peqataasuulluni. Aningaaserivik 2017-imi SIFI-institut-itut qinerneqarpoq.

Aningaaserivik Kalaallit Nunaanniinna peqqitigalugu Kalaallit Nunaanni aningaasaliinermi peqataaffia annertuvoq, ilaatigullu aalisarnermi ineriartorneq. GrønlandsBANKEN Nuummi qullersaqarfeqarpoq, illoqarfinnilu tallimani immikkoortortarfeqarluni. Kalaallit Nunaanni aningaasaqarnermi ineriartorneq atatillugu aammattaq alliartorusuppoq.

Aningaaserivik isertitaqarluarpoq aningaasaliinissamullu toqqammaveqarluarluni, qallunaat nunaanni aningaaserivinnut allanut sanilliullugu. Pingaarnersatut nammineq aningaasaatit nammineq aningaasaliissutinut tunngaviupput. GrønlandsBANKEN inissianik tuniniaanermi, inissialiormilu aammattaq aningaasaliinermi peqataaffia annertuvoq. Taamaalilluni inissianik niuernermit akit appariartuaassagaluarunik aningaaserivik mianerisassaqarpoq.

Aningaaserivillu amerlasuunik aningaasanik atukkiinikuuvoq, tamanna aningaaserivimmuut aarlerinarsinnaavoq, aningaasanik atukkiinerit ataasiakkaat ajornartorsulissappat aningaaseriviup ineriartorneranut, soorlu nalikillisikkiartuaartitsinerit aamma akiliisinnaanissamut pisariaqartitsinermit kinguneqarsinnaammata.

Aningaaserivinnik Nakkutilliisoqarfik misissuinerani aningaasanik atukkiinerit 75-it misissorpai, taakkulu akornanni 25-it annertuumik aningaasanik atukkiinerit tunngaviumik aningaasaqarnermi 2%-imik qaangeqqallugu, aningaasanik atukkiinerit 25-it akiligassarsiniarnermi aallerinaatit annertullutik aammattaq 25-it akiligassarsiniarnermi atukkanik ajornerulertitsisuullutik.

Misissuinerup takutippaa aningaaserivik atuisut akiliisinnaanerat, aningaasatigut iluanaaruteqarnarsinnaaneri taavalu aningaasatigut pituttaqissaaneri naammanngitsumik eqqarsaatigineqarsimasut. Aningaaseriviup suliffeqarfissuit immikkoortortalinnut tunngasunik aningaasaqarneq paasisaqarfiginissaa killeqarsimavoq. Sanaartornermi tunngasunik aningaasaliinermit tunngaviumik aningaasaliinissamut akuersineq naammasimangilaq, aarlerinaataasinaasut annerusumik allaaserineqarsimangimmata. Aningaaserivik taamaammat peqqussummik allaffigineqarpoq, toqqissisimasumik aaliangiinissamut tunngaveqaqqullugit.

Aningaaserivik peqqussutigineqarpoq sullitani pigisaqangaanngitsut nakkutiginerulissagaat, ilaatigullu sullitat tamarmik pilersaarutinik aamma nalikilliaartuaartitsinermit nalunaarsorlugit, akiliisinnaaneri ajornerulernerani paasinariartorneri (OIK) aaliangerneqarsimappata.

Aningaaserivimmi illup iluani akiligassarsinermi nakkutilliineq annerusumik takussutissaqartalissaaq. Akiligassinnermilu nikingasoornerit annerusumik nalunaarsorneqartassapput akiligassiinermi malittarisassat aallaavigalugit, ilaatigullu ataatsimoortumik aalerinarsinnaasunik nalilersuineq pillugu.

Aningaaserivik aamma aarlerinarsinnaasunik nakkutilliinermi akisussaassup nammineq akiligassitsinermi misissuisarneri amerlissasut, ilaatigut ataatsimoortumik aarlerinaasinnaasut pillugit.

Aningaaserivinnik nakkutilliisoqarfiup paasivaa aningaaseriviup malittarisassat sukaterneqarneri pillugit atorfilik aamma pinerlunnikkut aningaasarsianik malunnarunnaarsaaneq akiorniarlugu tunngasunik suliaasaqartoq, ilaatigut nalinginnaanngitsumik aamma pasinartumik pissuseqartoqartillugu kalerrisaarisarnissaq. Aningaaserivik aammattaaq malittarisassat sukaterneqarneri pillugit atorfilik attuumassutissaqannginnissaa peqqussutigineqarpoq.

Nakkutilliinerup aningaaserivimmi nalikillisaanerit annertusivai 14,3 mio. kr-ninik. Nakkutilliinerlu aallaavigalugu aningaaserivinnik nakkutilliisoqarfiup nalilersorpaa aningaaserivik sullitat pingaarutillit aningaasatigut ajornartorsiulernissai aamma suliaqarnermi aarlerinarsinnaasut naammangitsumik nalilersorsimagaat. Aningaaserivillu akiliisinaanissamut pisariaqartitsinera 11,2 pct.-imiit 11,9 pct.-imut qaffappaa 30. september 2019-imiit atuutilerlugu, tamannalu aningaaserivinnik nakkutilliisoqarfiup naammagaa. Aningaaserivillu sullitat ataasiakkaarlugit akiliisinaanissamut pisariaqartitsineri naatsorsortarnissaat peqqussutigineqarpoq.